



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Timor naturalis.

[urn:nbn:de:hbz:466:1-46065](#)

D. Augustini similitudinem ex sutoria arreptam officina pluribus explicat Honorius in Canticor. viii. & nota. Sutori necessaria esse, corium, terrum, setam, linum. Corio comparat animam: ferro, seu acui sutoriae Timorem servilem; setæ suillæ Timorem initialem; lino Timorem filialem. Sicut autem subula corium perforatur, sic Timore servi anima transfigitur, & reliqua immittuntur.

S E R M O X I I .
T I M O R I S S P E C I E S

Praeambulum.

CUM tam sint multi spiritualis vita Magistri, qui Timore, illi Fundamentum Aedificii spiritualis habent, alii vero eundem, ut Tectum predicant, reor distinctione, utriusque partis patronos conciliari posse: Sic namque statuo. Esse Timorem quendam, qui neque Fundamentum, neque Tectum dici possit: aliquem qui Fundamenti, alium qui Tecti rationem habeat: nec deesse, qui utriusque rationem participet. Quod ut ab omnibus intelligatur instituenda est divisio in membra, sive species, aut genera, que idem hic valent.

A R T I C U L V S I.
T I M O R N A T U R A L I S.



ISPESCO Timorem in quinque genera. Vt
I. sit Naturalis. II. Mundanus. III. Servilis.
IV. Filialis, vel Castus. V. Initialis. NATU
RALIS

RALIS est affectio quædam appetitus sensitivi, & significat nobis, imminentis mali fugam; estque insita à naturâ animalibus, ideoque non hominibus modò, sed etiam brutis. Hæc licet bona sit physicè, seu naturaliter, quia ad multa commoda ab Auctore naturæ est inge-nita animalium generi, ut docet *Orat. contra Iram* S. Basilius; tamen, cùm in nostrâ non sit potestate, non potest moraliter dici bona, vel mala: ac proinde de eo Timore non est nobis sermo. Siquidem ad nos ille Timor spe-ctat, qui dicit relationem quandam certam ad DEUM. Quod nō convenit naturali, qui secundum se considera-tus, nec convertit ad Deū, nec avertit à Deo: moraliter indifferens. Quod si avertit à Deo, ut fit, quando quis propter malum, quod timet, Deum offendit, aut para-tus est offendere vel derelinquere, vocatur *Timor Mundanus*. Si autem propter malum formidatum, ad DEUM convertitur timens, plura sortitur nomina. Si enim con-vertatur, quia timet malum pœnæ, dicitur *Timor servi-lis*. Si, quia timet malum culpæ, vocatur *Filialis*. Si quia utrumque simul, nuncupatur *Initialis*.

ARTICULUS II.

TIMOR MUNDANUS.

Si ita nominatur, quia est hominum mundum, & quæ in mundo sunt nimium amantium, ac proinde ea a-mittere præpostere metuentium. Si quis igitur ita refor-midet aliquod hujus vitæ incommodum, vel pœnam, ut ad illud depellendum, vel evitandum, non dubitet offendere Deum mortaliter, agitur Timore Mundano. Quo abruptus fuit Petrus, quando Christum negavit.

Aa 4

Est